

মনীষী চরিত

মাওলানা মোহাম্মদ আকরম খাঁঃ উপমহাদেশে মুসলিম পুনর্জাগরণের অগ্রদূত

-মুহাম্মদ সাখাওয়াত হোসাইন

কালের আবর্তে প্রতি যুগেই ইসলাম বিরোধী চক্র ইসলামকে চিরতরে বিলুপ্ত করার জন্য প্রাণাত্মক চেষ্টা চালিয়ে এসেছে। যা যুগ পরম্পরার আজও অব্যাহত রয়েছে। বরং পূর্বের তুলনায় বর্তমানে এর ব্যাপকতা বৃদ্ধি পেয়েছে। ইয়াহুদী খ্টানরা ইসলাম ধর্মের সুমহান আদর্শকে কোন কালেই মেনে নিতে পারেনি, আজও পারছেন, ভবিষ্যতেও পারবে কি-না তা সুন্দর প্রাহৃত। কিন্তু তাদের এই ইন্দুর প্রচেষ্টা প্রতি যুগেই ব্যর্থতায় পর্যবসিত হয়েছে এবং ইসলাম তার গতিধারাকে আরো বেগবান করেছে। ইসলামের পক্ষে কথা বলার, বাতিলের সমৃচ্ছিত জবাব দেওয়ার এবং মানুষের আকৃতি ও আমলকে ইসলামের মৌল আদর্শের দিকে ফিরিয়ে আনার জন্য যুগে যুগে এই বিষ্ণু চরাচরে অসংখ্য ব্যক্তিত্বের আগমন ঘটেছে। যারা তাদের বক্তব্যের মাধ্যমে, লেখনীর মাধ্যমে এবং সংবর্ধন সাংগঠনিক প্রচেষ্টার মাধ্যমে ইসলামের শক্তিদের দাঁতভাঙা জবাব দিয়েছেন এবং মানুষকে ইসলামের পথে দাওয়াত দিয়েছেন। যে সকল মনীষী তাদের ক্ষুরধার লেখনীর মাধ্যমে আমরণ ইসলামের সেবায় নিমগ্ন ছিলেন মাওলানা আকরম খাঁ ছিলেন তাদের অন্যতম।

মাওলানা আকরম খাঁ একটি ব্যক্তিত্ব, একটি ইতিহাস। উপমহাদেশে ইসলাম প্রতিষ্ঠার একজন অগ্রসেনিক। বাঙালী মুসলমানদের পুনর্জাগরণের অগ্রদূত। বাংলায় মুসলিম সাংবাদিকতার পথিকৃত। বিশ্বকর প্রতিভার অধিকারী মাওলানার কর্মজীবন বর্ণায়। প্রচলিত জীবন ধারার ব্যক্তিমূলী মানুষ তিনি। উপমহাদেশে ইসলাম প্রচারে যাদের নাম ইতিহাসের সোনালী পাতায় চির সম্মজ্জল মাওলানা আকরম খাঁ তাদেরই একজন।

বাঙালী মুসলমানদের পুনর্জাগরণে মাওলানা আকরম খাঁর অবদান অনস্বীকার্য। শতাব্দী এ মহান ব্যক্তিত্বের জীবন পরিকল্পনার বেশিরভাগই এই উপমহাদেশের মুসলিম জীবনের পুনরুদ্ধানে, মুসলমানদের হারানো ঐতিহ্য পুনরুদ্ধারে, সর্বোপরি শিরক-বিদ'আত বিমুক্ত তাওহীদ ভিত্তিক সমাজ বিনির্মাণে তৎকালীন প্রবল প্রতাপাদ্ধিত ইংরেজ শক্তির বিরুদ্ধে আপোষহীন সংগ্রামে লিঙ্গ ছিলেন।

বিদেশী শাসন-শোন্দের বিরুদ্ধে তাঁর অবস্থান ছিল সুডঢ়। সাংবাদিকতার পাশাপাশি রাজনৈতিক মঞ্চেও তাঁর সর্কার্য

পদচারণায় সমকালীন সকলেই বিশ্বিত হয়েছেন। ক্লান্তিহীন পথিকের ন্যায় আজীবন সংগ্রাম করে গেছেন তিনি।

১৮৬৮ সালের ৭ই জুন মোতাবেক ১২৭৫ বঙ্গাব্দের ২৪ জৈষ্ঠ চৰিত্শ পৰগনা জেলার হাকিমপুর প্রামে এক সন্তুষ্ট 'আলিম ও মুজাহিদ' পরিবারে মাওলানা আকরম খাঁ জন্মগ্রহণ করেন।^১ জন্ম সূত্রে তিনি জিহাদী প্রেরণার উত্তরাধিকারী হন এবং এই প্রেরণাই আগামেড়া ভাঁর জীবনকে নব নব উদ্যোগ ও প্রেরণার দিকে পরিচালিত করে। তাঁর পিতা গায়ী আব্দুল বারী উত্তর পশ্চিম সীমান্ত প্রদেশের মুজাহিদ আন্দোলনে যোগদান করেন এবং বৃটিশ সাম্রাজ্যবাদের বিরুদ্ধে লড়াই করে গায়ীর গৌরব অর্জন করেন।^২ আমীরুল মুজাহিদীন মাওলানা এনায়েত আলী ছাদেকপুরী (১২০৭-১২৭৪ হিঃ/১৭৯৩-১৮৫৮ খঃ) প্রতিষ্ঠিত হাকিমপুর কেন্দ্রের অন্যতম প্রধান সহযোগী হাজী মুফিযুদ্দীন খাঁর (১২০৫-১৩১০ হিঃ) দৌহিত্র এবং মিয়া নায়ীর হসাইন দেহলভীর (১২২০-১৩২০ হিঃ/১৮০৫-১৯০২ খঃ) কৃতি ছাত্র ছিলেন তাঁর পিতা মাওলানা আব্দুল বারী খাঁ।^৩ সঙ্গত কারণেই তিনি জিহাদী প্রেরণার উত্তরাধিকারী হন। আর এই প্রেরণাই তাঁকে আপোষহীন করে তুলে।

এগার বৎসর বয়সে একই দিনে মাতাপিতাকে হারিয়ে তিনি স্বীয় নানার তত্ত্বাবধানে লালিত-পালিত হন।^৪ তাঁর পিতামহ তোরাব আলী খাঁ ছিলেন শহীদ তত্ত্বমৌরের একজন শিষ্য। তাঁর এক পূর্বপুরুষ বালাকেট যুদ্ধে শহীদ হন। তাঁর মাতা রাবেয়া খাতুন ছিলেন ধর্ম পরায়ণা ও মহায়সী মহিলা।^৫ তাঁর পূর্বপুরুষগণ উত্তর-পূর্ব সীমান্ত প্রদেশের অধিবাসী ছিলেন বলে জানা যায়। তাঁরা সেখান থেকে এসে ভারতের বর্তমান উত্তর চৰিত্শ পৰগনায় বসতি স্থাপন করেন।^৬

মাওলানা আকরম খাঁর শিক্ষা জীবন মন্তব্য থেকে শুরু হয়। মন্তব্যে তিনি পবিত্র কুরআন মজীদ শিক্ষা ছাড়াও শেখ সাদীর 'শুলিষ্ঠা ও বোঝা' পাঠ করেন।^৭ অতঃপর স্থানীয়

১. আবু জাফর, মাওলানা আকরম খাঁ (ঢাকা: ইসলামিক ফাউন্ডেশন বাংলাদেশ, প্রধান প্রকাশ ডিসেৱেশন ১৯৮৬) পঃ ৫৫, নিবক্ষঃ 'মুসলিম বাংলাৰ বেনেসোৱ অ্যাপথিক'; ডঃ মোহাম্মদ আসাদুল্লাহ আল-গালীৰ, আহলেহাদীছ আন্দোলনঃ উৎপত্তি ও ক্রমবিকাশ দক্ষিণ এশিয়াৰ প্ৰেক্ষিত সহ (ৱাজশাহী: হামিদ ফাউন্ডেশন বাংলাদেশ ১৯৯৬) পঃ ৪৬৭। গৃহীতঃ আবু রহিম ওয়াকেপুরী, 'সুবীৰবুন্দেৰ তুলিষ্ঠে মাওলানা মোহাম্মদ আকরম খাঁ' পঃ ১৩, ২১০।
২. ইসলামী বিষ্ণুকোষ, ১ম খণ্ড (ঢাকা: ইসলামিক ফাউন্ডেশন) পঃ ৭৫।
৩. আহলেহাদীছ আন্দোলনঃ উৎপত্তি ও ক্রমবিকাশ দক্ষিণ এশিয়াৰ প্ৰেক্ষিত সহ, পঃ ৪৬৭।
৪. তদেব: ইসলামী বিষ্ণুকোষ, পঃ ৭৫; এম রহিম আমিন, ছোটদেৱ মাওলানা আকরম খাঁ, (ঢাকা: ইসলামিক ফাউন্ডেশন বাংলাদেশ, এপ্রিল ১৯৮৭/ শা'বান ১৪০৭) পঃ ৩।
৫. ছোটদেৱ মাওলানা আকরম খাঁ, পঃ ১; মাওলানা আকরম খাঁ পঃ ১২৬, নিবক্ষঃ 'মাওলানা সাহেব সম্পর্কে দুটি কথা'।
৬. ছোটদেৱ মাওলানা আকরম খাঁ, পঃ ১।
৭. প্রাঙ্গত, পঃ ৩।

এক নিম্ন প্রাথমিক বিদ্যালয়ে তিনি প্রাথমিক শিক্ষা লাভ করেন।^৮ ধর্মীয় শিক্ষার প্রতি অনুরাগ এবং ইংরেজ বিদ্যের ফলে অবশ্যে তিনি মাদরাসা শিক্ষার প্রতি ঝুকে পড়েন এবং ১৮৯৬ সালে কলিকাতা আলিয়া মাদরাসায় ভর্তি হন। ১৯০০ সালে তিনি কলিকাতা আলিয়া মাদরাসা থেকে সর্বোচ্চ এফ, এম (ফাইনাল মাদরাসা) পরীক্ষায় উত্তীর্ণ হন।^৯

ছাত্র জীবনেই তাঁর মনে জাতীয় চেতনার উন্মোহ ঘটে। ছাত্র জীবন সমাপনাতে তিনি মুসলমানদের জাতীয় অগ্রগতি ও পুনর্জাগরণে মনোনিবেশ করেন। ছোট বেলা থেকেই সংবাদপত্র পাঠে তাঁর বিশেষ রোক ছিল। সাংবাদিকতার মাধ্যমেই তাঁর কর্ম জীবনের শুরু। তিনি উপলব্ধি করেছিলেন যে, সংবাদপত্রের মাধ্যমেই মুসলমানদের অগ্রগতি এবং পুনর্জাগরণ সম্ভব। কাজেই সাংবাদিকতাকেই তিনি জীবনের ব্রত হিসাবে গ্রহণ করেন। ঘূর্মত মুসলিম জাতিকে চির জগতে ও আত্মসচেতন করে তুলার জন্য তিনি সংবাদপত্রের প্রয়োজনীয়তা তীব্রভাবে অনুভব করেন। এই সময় তিনি কলিকাতা তাঁতীবাগের প্রসিদ্ধ ব্যবসায়ী ও 'মোহাম্মদী' পত্রিকার মালিক হাজী আব্দুল্লাহ্র (জন্ম-পাটনাঃ ১৮৪০ খ্রঃ, মৃত্যু-কলিকাতাঃ ১৯২০) নথরে পড়েন ও আহলেহাদীছ আন্দোলন প্রচারের জন্য তাঁর হাতেই তিনি পত্রিকার দায়িত্ব ন্যস্ত করেন।^{১০} ১৯২৭ সাল থেকে সাঙ্গাহিক 'মোহাম্মদী' মাসিক হিসাবে নিয়মিত প্রকাশিত হতে থাকে।^{১১} ১৯১৩ সালে তৎকালীন বাংলার ইসলামী চিঞ্চিতবিদদের প্রচেষ্টায় বঙ্গড়ার 'ধনিয়া' গ্রামে 'আজুমান-ই-উলামা-ই বাংলালা গঠিত হলৈ ১৯১৪ সালে এই আজুমানের মুখ্যপত্র মাসিক 'আল-ইসলাম' প্রকাশিত হয়। মাওলানা আকরম বী এর প্রকাশক ও বৃগ্য সম্পাদক ছিলেন।^{১২} ১৯২০ সালের ২১শে মে তিনি উর্দু দৈনিক 'যামানা' প্রকাশ করতঃ এর সম্পাদনার দায়িত্ব গ্রহণ করেন।^{১৩} ১৯১৩ সালে 'সেবক' নামে একটি বাংলা দৈনিকও প্রকাশ করেন। একই সময়ে তিনি কিছুদিন সাঙ্গাহিক 'মোহাম্মদী' দৈনিক 'যামানা' (উর্দু) ও দৈনিক 'সেবক' মোট তিনটি পত্রিকার সম্পাদক ছিলেন।^{১৪} উল্লেখ্য যে, বাধীন ও নির্জীক মতামত প্রকাশের দরুন 'সেবক' সরকারের কোপদ্রষ্টিতে পতিত হয় এবং রাজন্দোহের অভিযোগে তাঁকে এক বৎসরের কারাদণ্ডে

দণ্ডিত করা হয়।^{১৫} ১৯৩৬ সালের ৩১শে অঠোবর মাওলানা আকরম বীর জীবনের অমর কীর্তি দৈনিক 'আজাদ' কলিকাতা হতে প্রথম প্রকাশিত হয় তাঁর অক্লান্ত প্রচেষ্টা ও সম্পাদনায়।^{১৬} জাতীয় জাগরণ এবং আয়াদী আন্দোলনকে জনপ্রিয় করে তোলার পিছনে এ পত্রিকার অবদান অপরিসীম। তিনি যখন দৈনিক 'আজাদ' নিয়ে সাংবাদিকতায় অবরীণ হন, তখন সাংবাদিকতার ক্ষেত্রে মুসলমাদের ভূমিকা ছিল একেবারে নগন্য। 'স্টার অব ইণ্ডিয়া' এবং 'আছরে জাদী' ছাড়া কোন পত্রিকা মুসলিম সমাজে তখন ছিল না। অন্যদিকে কংগ্রেস তথা হিন্দুদের জন্য ছিল 'অ্যাম্ব বাজার' 'আনন্দবাজার' 'যুগ্মত্ব' 'সত্যগু' 'লোক সেবক' ইত্যাদি পত্রিকা। এছাড়া তাদের বহু মাসিক ও পার্শ্বিক পত্রিকাও ছিল। মুসলিম সমাজের একমাত্র মুখ্যপত্র ছিল দৈনিক 'আজাদ'। ঘূর্মত মুসলিম জাতিকে জগতে করার দায়িত্ব ছিল এই পত্রিকার। এই পত্রিকার প্রেরণাতেই মুসলমানরা আয়াদী আন্দোলন চালিয়ে যায়।^{১৭} দেশ বিভাগের পর ১৯৪৮ সালে 'আজাদ' ও 'মোহাম্মদী' সহ তিনি ঢাকায় হিজৰত করেন।^{১৮} ১৯৪৬ সালে তিনি একটি ইংরেজী পত্রিকা প্রকাশের সিদ্ধান্ত নেন এবং মাওলানা মোহাম্মদ আলীর সাঙ্গাহিক কমরেড (Comrade)-এর মালিকানা খরিদ করে পত্রিকাটি পুনর্জীবিত করেন।^{১৯}

রাজনৈতিক মঞ্চেও তাঁর পদচারণা সক্রিয় ছিল। ১৯০৬ সালের ৩০শে ডিসেম্বর ঢাকায় সর্ব ভারতীয় মুসলিম লীগ প্রতিষ্ঠিত হয়। মুসলমানদের রাজনৈতিক অধিকার, ঐতিহ্য, শিক্ষা-সংস্কৃতিকে রক্ষা করাই ছিল মুসলিম লীগ গঠন করার উদ্দেশ্য। তিনি মুসলিম লীগের অন্যতম প্রতিষ্ঠাতা সদস্য ছিলেন।^{২০} প্রথম বিশ্বযুদ্ধের পর খিলাফত ও অসহযোগ আন্দোলন (১৯১৯-২১) চলাকালে মাওলানা আকরম বী সংগ্রামী ভূমিকা পালন করেন।^{২১} ১৯১৩ সালে 'আজুমান-ই-উলামা-ই বাংলালা' প্রতিষ্ঠিত হলৈ তিনি এর সাধারণ সম্পাদকের পদ অলংকৃত করেন।^{২২} ১৯২৯ খৃষ্টাব্দে 'নিখিল বঙ্গ প্রজা সমিতি' গঠিত হলৈ তিনি এর সেক্রেটারী মনোনীত হন।^{২৩} ১৯৩৫ সালে তিনি বঙ্গীয় ব্যবস্থাপক সভার সদস্য, ১৯৪১ সালে বঙ্গীয় প্রাদেশিক মুসলিম লীগের সভাপতি, স্বাধীনতা পরবর্তী পূর্ব পাকিস্তান মুসলিম

৮. ইসলামী বিশ্বকোষ, পৃঃ ৭৫।

৯. তদেব; ছোটদের মাওলানা আকরাম বী, পৃঃ ৩।

১০. আহলেহাদীছ আন্দোলনঃ উৎপত্তি ও ক্রমবিকাশ দক্ষিণ এশিয়ার প্রেক্ষিত সহ; পৃঃ ৪৬৭।

১১. ছোটদের মাওলানা আকরাম বী, পৃঃ ১৩।

১২. ইসলামী বিশ্বকোষ, ১ম খণ্ড, পৃঃ ৭৫।

১৩. প্রাণ্ত, পৃঃ ৭৫।

১৪. তদেব।

১৫. ইসলামী বিশ্বকোষ, ১ম খণ্ড, পৃঃ ৭৬।

১৬. দৈনিক আজাদ, বিশ্বের সংখ্যা ১৮ আগস্ট ১৯৬৯ নিবন্ধঃ 'আমার দেখা আমার নেতা'; ইসলামী বিশ্বকোষ, ১ম খণ্ড, পৃঃ ৭৬; আকরাম বী, পৃঃ ৭৫ প্রবন্ধঃ 'সংবাদ পত্র সেবী মাওলানা মোহাম্মদ আকরাম বী'।

১৭. ছোটদের মাওলানা আকরাম বী, পৃঃ ১১।

১৮. ইসলামী বিশ্বকোষ, ১ম খণ্ড, পৃঃ ৭৬।

১৯. দৈনিক আজাদ, বিশ্বের সংখ্যা ১৮ই আগস্ট ১৯৬৯ নিবন্ধঃ 'মাওলানা আকরাম বী শ্বরণে'।

২০. ছোটদের মাওলানা আকরাম বী, পৃঃ ১৮।

২১. ইসলামী বিশ্বকোষ, ১ম খণ্ড, পৃঃ ৭৬।

২২. প্রাণ্ত, পৃঃ ৭৫।

২৩. ছোটদের মাওলানা আকরাম বী, পৃঃ ২০।

লীগের সভাপতি, নিখিল পাকিস্তান মুসলিম লীগের সহ-সভাপতি হিসাবে দায়িত্ব পালন করেন। তিনি পাকিস্তান গণপরিষদের সদস্যও নির্বাচিত হয়েছিলেন। ১৯৫২-এর ভাষা আন্দোলনে তাঁর পত্রিকা দৈনিক আজাদ অত্যন্ত শুরুত্তপূর্ণ ভূমিকা পালন করে। ১৯৫৪ সালে গণপরিষদ ডেঙ্গে দেয়া হলে তিনি রাজনীতি থেকে অবসর নেন।^{২৪}

বাংলাদেশের খ্যাতিমান (আহলেহাদীছ) পণ্ডিত আবুল মনসুর আহমদ তাঁর রাজনীতি সম্পর্কে বলেন,

‘তিনি রাজনৈতিক আন্দোলনকে শুধু বৈষয়িক রাজনীতি মনে করতেন না। এটাকে মুসলিম বাংলা তথা মুসলিম ভারতের সর্বাঙ্গীন মুক্তি ও পুনর্জাগরণের আন্দোলন মনে করতেন। এ বিষয়ে তাঁর চিন্তার কেন অস্পষ্টতা ছিলনা। শুধু রাজনৈতিক মুক্তিই যে আমাদের প্রকৃত আজাদী আনবে না, সেই সঙ্গে আমাদের অর্থনৈতিক ও তামদ্দুনিক আজাদীও অপরিহার্য এ বিষয়ে ছিলেন তিনি সচেতন ও অত্যন্ত। সে জন্য তিনি ‘চিরস্থায়ী বন্দোবস্ত’ উচ্ছেদের জন্য ‘প্রজা’ আন্দোলনের জন্ম দেন।^{২৫}

আহলেহাদীছ পরিবারে জন্মগ্রহণ করেছিলেন মাওলানা আকরম ঝা।^{২৬} স্বত্ত্বার্থক্ষণ শিরক ও বিদ্যাতের সাথে আপোষাধীন ছিলেন তিনি। শিরক-বিদ্যাতের আত ও প্রচলিত কুসংস্কারের বিরুদ্ধে তাঁর ক্ষুরধার লেখনী সমকালীন সমাজকে সঠিক পথের সঞ্চান দিত। সাধারণ মানুষ যখন সঠিক তাওয়াহীদ উপলক্ষি করতে ব্যর্থ ছিল, ঠিক তখনই তাঁর বলিষ্ঠ পদক্ষেপের ফলে মানুষের মনের গহীনে পুঁজিভূত আঁধার কেটে গেল। তিনি পীর পূজা, কবর পূজা প্রভৃতির বিরুদ্ধে ছিলেন সোচার।^{২৭}

আহলেহাদীছ আন্দোলনের প্রচার ও প্রসারে তিনি অসামান্য অবদান রেখেছেন। প্রথম জীবনে এ আন্দোলনের জন্য ‘মোহাম্মদী’র মাধ্যমে মসীয়দ ও বিভিন্ন বাহাহ-মুন্যায়ারায় অংশগ্রহণের মাধ্যমে যে তরু যুদ্ধ চালিয়েছেন, তাকে অবশ্যই মূল্যায়ণ করতে হবে। বাংলা ১৩১৯ সালে তিনি এমনি এক বাহাহে বর্তমান সাতক্ষীরা জেলার বাউডাঙ্গায় আসেন ও প্রতিপক্ষের খ্যাতনামা হানাফী আলেম মাওলানা রহুল আরুণিকে প্রারজিত করেন।^{২৮}

তাঁর একান্ত বাসনা ছিল বাংলার মুসলিম সমাজের সংস্কার সাধন করা এবং খাটি ইসলামী আদর্শ প্রতিষ্ঠা করা। এ

লক্ষ্যেই তিনি ‘মোহাম্মদী’র পাতায় মুসলিম বাংলার সামাজিক গলদ শোধরানোর চেষ্টা করেছেন। তিনি ছিলেন তাক্বলীদ বা অন্ধ অনুসরণের ঘোর বিরোধী। তিনি কুরআন-হাদীছের উদ্ভিতি দিয়ে ইজতিহাদের প্রয়োজনীয়তা প্রমাণ করেন। তিনি বলতেন, পারিপার্শ্বিকতার প্রভাব এবং পূর্বসূরীদের অঙ্গ অনুকরণের ফলে মানুষের জ্ঞান, বিবেক ও স্বাধীন চিন্তা ধারা বিকৃত ও বিপথগামী হয়ে পড়ে।^{২৯}

বাংলাদেশের প্রথ্যাত (হানাফী) পণ্ডিত অধ্যক্ষ দেওয়ান মোহাম্মদ আজরফ বলেন,

‘তিনি মুসলিম সমাজের মৌলিক ভিত্তি তার ধর্ম বিশ্বাসের বিশ্লেষণ প্রসঙ্গে দেখতে পান যে, এতেও সে স্বত্ত্বান্বিষ্ট নয়। নানাবিধ আগাছা-পরগাছা শিকড় গেড়েছে। নানাবিধ কুসংস্কারে তার মানস সমাজন্ম হয়ে রয়েছে। পীর পূজা, গোর পূজা প্রভৃতি সর্বসাধারণ মুসলিম মানসে এমন দানা বেধেছে যে, তাকে সরিয়ে নিতে চাইলে তারা মরিয়া হয়ে আক্রমন করার চেষ্টা করে। কেবল অশিক্ষিত মানুষের মধ্যেই নয় তথাকথিত শিক্ষিত মানুষের ধর্মের শাসন অনুশাসনের ক্ষেত্রে চার ইমামের মাযহাবকে শেষ ব্যাখ্যা মনে করে তাক্বলীদের দ্বার চিরতরে অবরুদ্ধ ভেবে এক্ষেত্রে টু শব্দটি করার স্বাধীনতা খুঁজে পাচ্ছে না। তাই প্রথমে গোড়ার দিকে সংস্কার করার বাসনায় তিনি হাদিস শাস্ত ঘেটে মাজ-মসলা সংগ্রহ করে প্রমাণ করতে চেষ্টা করেন যে, কোরআন ও হাদিসের সৃত্র গুলোর ব্যাখ্যা করার স্বাধীনতা সকল মুসলমানের রয়েছে। এক্ষেত্রে তার সহযাত্রী ছিলেন মাওলানা আব্দুল্লাহেল বাকী। এদেরই চেষ্টায় এ অঞ্চলে আহলেহাদীছ আন্দোলন বিশেষভাবে ফলে উঠে।^{৩০}

মাওলানা আকরাম ঝা একজন অকৃতোভয় সম্পাদক ছিলেন। কাউকে তোয়াক্তা না করেই তিনি হকের পথে তাঁর হস্ত সঞ্চালিত করেছিলেন। তাঁকে যেদিন বৃত্তিশ মীতির সমর্থনে লেখার কথা বলা হ'ল এবং এ জন্য তাঁকে আর্থিক লোত দেখানো হ'ল, সেদিন তিনি অপরিসীম অর্থ কষ্টের মধ্যে থেকেও অত্যন্ত সাহসিকতার সাথে উক্ত প্রস্তাৱ প্রত্যাখ্যান করেছিলেন। এতে নবাব ক্ষিণ হ'য়ে তাকে বন্দুকের গুলিতে হত্যা করার হমকি দিলে তিনি ধীর-গত্তির ও অক্ষিপ্ত কষ্টে বললেন,

‘দেখুন জনাব, আমি জীবনে বহুবার শিকার করেছি। বন্দুকের গুলীতে অনেক পাখি মেরেছি। আমার প্রতি গুলী নিষ্কণ্ঠ হ'লে মারা যেতে পারি, এ কথা আমি ভাল ভাবেই জানি। কিন্তু আপনি নিশ্চয়ই জানবেন, আমাকে বন্দুকের গুলীতে নিহত করা হ'লে আমার দেহ হ'তে যত বিন্দু রক্তপাত হবে, বাংলার বুকে ঠিক ততজন আকরাম ঝা পুনর্বার জন্মাবে।’^{৩১}

২৪. দৈনিক ইনকিলাব, ১৯ আগস্ট ১৯৯৮, পৃঃ ৬ নিবন্ধঃ ‘সংবাদপত্র ও সাংবাদিকতার অগ্রন্থয়ক মাওলানা মোহাম্মদ আকরাম ঝা’।

২৫. দৈনিক আজাদ, বিশেষ সংখ্যা ১৮ই আগস্ট ১৯৬৯ নিবন্ধঃ ‘বাঙালী মুসলমানের রাজনৈতিক জনক’।

২৬. মাওলানা আকরাম ঝা, পৃঃ ১২ (প্রস্ত কথা)।

২৭. ইসলামী বিশ্বকোষ, ১ম খণ্ড, পৃঃ ৭৬।

২৮. আহলেহাদীছ আন্দোলন: উৎপত্তি ও ত্রুটিকাশঃ দক্ষিণ এশিয়ার

প্রেক্ষিত সহ পৃঃ ৪৬৮, গৃহীতঃ মোহাম্মদ মউলান রহমান, তরীকায়ে

মোহাম্মদীয়া (প্রকাশকঃ এম আব্দুল্লাহ সাং ও পোঃ ঘোনা, সাতক্ষীরা,

২৯. সংক্ষেপ পত্ৰ পৃঃ ১০৮৭), ১ম খণ্ড, পৃঃ ৫৮।

বহুমুখী প্রতিভার অধিকারী মাওলানা আকরম খাঁ ১৯৬৮ সালের ১৮ই আগস্ট ঢাকায় ইন্তেকাল করেন। তৎকালীন রাজনৈতিক নেতৃবৃন্দের সকল অনুরোধ উপেক্ষা করে সরকারী জাতীয় কবরস্থান বাদ দিয়ে তাঁর অভিযোগ অনুযায়ী বংশাল মালিবাগ আহলেহাদীছ কবরস্থানে তাঁকে দাফন করা হয়।^{৩২}

সাংবাদিকতা, রাজনীতি ও জেল-ফুলমের মধ্যেও মাওলানা অনেকগুলি গবেষণাধৰ্মী ও পাণিত্য পূর্ণ গ্রন্থ রচনা করেছেন। তাফসীরল কুরআন, মোস্তফা চরিত, মোস্তফা চরিতের বৈশিষ্ট্য, উশুল কোরআন, কাব্যে আমপারার তাফসীর, সমস্যা ও সমাধান, মোছলেম বঙ্গের সামাজিক ইতিহাস প্রভৃতি বইগুলি তাঁর স্বাধীন চিন্তা ও গভীর পাণিত্যের উৎকৃষ্ট দলীল।^{৩৩}

তাঁর তিরোধানে দেশের খ্যাতনামা পণ্ডিত আবুল মনসুর আহমদ বলেন, ‘শতাদ্বীকালের একটা বিরাট মহীরূহ, বিস্তীর্ণ ছায়াদার একটা বিশাল বটগাছ ভূমিসাঁ হইল। দেশ হারাইল একটা আলোকস্তুতি। দেশবাসী হারাইল বাড়ির মুরব্বি, সাংবাদিক সাহিত্যিকরা হারাইলেন উপদেষ্টা, রাজনীতিবিদরা হারাইলেন একজন দিশারী, আলেম সম্পদায় হারাইলেন একজন অনুপ্রেরণাদাতা।’

কিছু শিক্ষণীয় ঘটনাঃ

(১) ১৯৪৬ সালে হিন্দু-মুসলিম রায়টের সম্বতৎ: কিছুদিন পূর্বে কলিকাতার গড়ের মাঠে আয়োজিত বিশাল সম্মেলনের প্রধান দুই বজ্ঞা মাওলানা আবুল কালাম আয়াদ ও মাওলানা আকরম খাঁ। মাগরিবের ছালাত আদায়ের জন্য মাওলানা আকরম খাঁ ১২ং মারকুইস লেনে অবস্থিত মিছরাগঞ্জ আহলেহাদীছ জামে মসজিদে ছালাত আদায় করতে এসেছেন। ছালাত শেষে বের হবার সময় মসজিদের দরজায় কয়েকজন অন্তর্ধারী সন্ত্রাসী তাঁকে হত্যা করতে উদ্যত হয়। সামনে অবস্থিত পানশালায় মদ্যপানরত দুই মুসলিম যুবক দৌড়ে এসে চোখের পলকে ঐ অন্ত কেড়ে নিয়ে অন্তর্ধারীকে ধরাশায়ী করে ও দুটিনজন গুগুকে খতম করে। এ দৃশ্য দেখে বাকীরা পালিয়ে প্রাণে বাঁচে। মসজিদ ভর্তি মুছল্লাদের কেউ সেদিনকার বিপদ মুহূর্তে এগিয়ে আসেনি। আকরম খাঁ ঐদিন গড়ের মাঠে যে বক্তা করেছিলেন, তা ছিল তাঁর সারা জীবনের অন্যতম শ্রেষ্ঠ জিহাদী বক্তা।^{৩৪}

(২) ফরাসী রাষ্ট্রদূতের সম্মানে আয়োজিত সভায় সভাপতি মাওলানা আবুল কালাম আয়াদ অভ্যাস বশে চেয়ারে পা তুলে বসে আছেন। রাষ্ট্রদূতের ফরাসী ভাষায় বক্তৃতার জওয়াব ফারসীতে কে দেবে? মাওলানা আয়াদ মধ্যে বসা আকরম খাঁর দিকে তাকালেন। আকরম খাঁ ইশারা পেয়ে

৩২. আহলেহাদীছ আন্দোলনঃ উৎপত্তি ও ক্রমবিকাশঃ দক্ষিণ এশিয়ার প্রেক্ষিত সহ, পঃ ৪৬৯।

৩৩. আহলেহাদীছ আন্দোলনঃ উৎপত্তি ও ক্রমবিকাশঃ দক্ষিণ এশিয়ার প্রেক্ষিত সহ, পঃ ৪৬৮।

দাঢ়িয়ে গেলেন। প্রথম দিকে বাধ বাধ অতৎপর স্ন্যাতের গতিতে বজ্ঞা করে রাষ্ট্রদূতকে তাক লাগিয়ে দিলেন। উপস্থিত সুধীমঙ্গীর মুহূর্ত তাকবীর ধ্বনিতে হল মৰ্খরিত হ'য়ে উঠল। ভারতের সম্মান বাঁচল। তাঁকে জিজ্ঞেস করা হ'লে তিনি রাসিকতা করে বলেন, ছোট বেলায় শেখা ফারসীগুলো ভাণের নীচে পড়েছিল। উপরের বাংলা-ইংরেজীর বোৰা ঠেলে ওগুলোকে খুঁটিয়ে বের করে আনতে একটু সময় লাগছিল। তাই বক্তৃতার শুরুতে একটু বাধ বাধ হচ্ছিল।^{৩৫}

(৩) ঢাকায় আয়াদ অফিস। সাতক্ষীরা থেকে প্রিয় শিয় মাওলানা আহমদ আলী স্থীয় পুত্রকে সাথে নিয়ে সম্ভবতঃ ১৯৬৭ সালের শেষের দিকে সাক্ষাত করতে গিয়েছেন। হাতে তাঁর লিখিত পুস্তক আকুন্দায়ে মোহাম্মদী বা ময়হাবে আহলেহাদীছ। পুরিসি রোগে অচল মাওলানা আকরম খাঁ অফিসের মধ্যে ইঞ্জি চেয়ারে শুয়ে আছেন। পূর্ব পরিচিত মাওলানা আহমদ আলীকে পুত্রসহ দেখে আনন্দের সাথে স্বাগত জানালেন ও বললেন, তোমার হাতে ওটা কি? মাওলানা আহমদ আলী ভয়ে ভয়ে বইটি তাঁর হাতে তুলে দিলেন। মাওলানা এক নিঃশ্বাসে বইটি পড়ে ফেললেন। অতৎপর মুখ তুলে বললেন, ‘আহমদ আলী তুমি যে লিখতে শিখেছো! জওয়াবে তিনি বললেন, ‘হ্যাঁ! সমাজ ও জামা-আত নিয়ে দিনরাত ব্যস্ত থাকি। ঠাণ্ডা মাথায় লেখার সময় পাইনা! মাওলানা বললেন, ‘আহমদ আলী! মনে রেখ এ পৃথিবীতে যা কিছু করেছে, ব্যস্ত লোকেরাই করেছে। অলসরা কিছুই করেনি’।^{৩৬}

দূর্ভাগ্য আমাদের জাতীয় মানস আজ খণ্ডিত ও বিচ্ছিন্ন। ফলে আমাদের মূল্যবোধ ও ইতিহাস চেতনাও নেমে এসেছে শোচনীয় দশায়। ইতিহাসের অর্থও ধারার প্রেক্ষিতে আমাদের জননেতাদের মানস দৃষ্টি আচ্ছন্ন। কাজেই মাওলানা আকরম খাঁ স্বাভাবিক কারণে যে স্বীকৃতির হকদার, জাতির কাছ থেকে সে স্বীকৃতি তিনি পাননি, পাচ্ছেনও না। আদর্শবাদী এই মনীষীকে রাষ্ট্রীয় ভাবে মূল্যায়ন করা হচ্ছে না। এমনকি বাংলাদেশের সংবাদপত্র গুলো মুসলিম সংবাদিকতার জনক’ বলে খ্যাত এই মনীষীর নামে তাদের পত্রিকায় একটি ক্রোড়পত্র প্রকাশ করতেও কুঠাবোধ করে থাকে। ফলে জাতি আজ প্রকৃত ইতিহাস থেকে বর্ষিত হচ্ছে। পরিশেষে উপমহাদেশে মুসলিম পুনর্জাগরণের অগ্রগামীক, মুসলিম সাংবাদিকতার জনক, শিরক ও বিদ্যাতাতের বিরুদ্ধে আপোষহীন এই খ্যাতিমান মনীষীর জীবনধারা স্বাধীনতাপ্রিয় বাংলার মুসলমানের জন্য প্রেরণা হ'য়ে অক্ষম থাকুক এই প্রত্যাশা রইল।

৩৪, ৩৫, ৩৬. বক্তৃব্যঃ ডঃ মাওলানা আসাদুল্লাহ আল-গলিব স্থীয় পিতা মাওলানা আহমদ আলী হচ্ছে।